

CONDICION GENERAL PA PETICION REGULAR

Centro pa Desaroyo di Aruba

Prome cu bo entrega un peticion como organisacion, lo ta bon pa bo tene cuenta cu e criterionan aki bao:

- Bo organisacion ta un 'NGO' formal y mester ta registra na Camara di Comercio na Aruba.
- Bo organisacion mester tin un cierto continuidad y mester tin un cierto capacidad organisatorio evidente pa por ehecuta un proyecto, sigur si ta trata di proyecto di mas duracion.
- Bo peticion mester coincidi cu un di e areanan di trabao di CEDE Aruba y mester tin un plusvalia, urgencia o necesidad; base di apoyo entre usuario y den comunidad ta importante.
- Bo organisacion ta dispone di relato financiero anual. Transparencia ta importante pa CEDE Aruba y e organisacionnan cu cual nos ta traha.
- E resultado di e proyecto mester ta duradero; CEDE Aruba no ta na favor di proyecto los y para riba nan mes. Nos punto di salida ta cu cada proyecto ta visualisa un cierto desaroyo.
- E proyecto no por ta orienta riba divulgacion di coriente religioso o metanan politico.
- Bo organisacion mester aporta 25% di e gastonan. Ta importante anto cu bo mes ta contribui algo, esaki por ta den forma di forsa laboral, material o e pago di un parti di e gastonan (cu o sin ayudo di otronan).
- Peticion pa proyecto cu ta realisa caba o ta den ehecucion, nos no ta acepta pa tratamiento.
- E altura di financiamiento ta keda determina di peticion pa peticion. Ta importante cu bo peticion ta bon fundamenta y ta dispone di un presupuesto cu ta duna claridad.

Si bo ta cumpli cu e condicionnan aki, bo por entrega e proyecto formalmente. Ta posibel pa entrega e proyecto completamente digital y via mail. Si bo ta desea di entrega e proyecto na oficina, bo por naturalmente print e documentonan y trecenan pa nos. En caso cu bo ta topa cu problema den traha e file di e proyecto, no duda pa tuma contacto cu nos. Pa nos ta un placer pa duna conseho y guia den entrega di e peticion.

Despues di e entrega oficial ta inicia e procedemento di evaluacion y tuma di decision. Nos meta ta pa dentro di maximo 6 siman duna un contesta. Mas tempran bo entrega e proyecto, miho esaki ta pa nos proceso di evaluacion.